



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1204. Usque Ad Annum 1230

Fleury, Claude

August. Vind. [u.a.], 1763

VD18 90118030

§. 24. Ecclesia Latina Orientalis.

[urn:nbn:de:hbz:466:1-66406](https://nbn-resolving.org/urn:nbn:de:hbz:466:1-66406)

Honorius, rogans, ut Christianis, in terris suis degentibus, Religionis eorum officii libere defungi indulgeret, & ad dens, se ipsum, Christianorum Papam, permultis Musulmannis in sua ditione commorantibus hanc libertatem non adimere; eam Epistolam Gonsalvus Eques Hospitalarius detulit. Hoc anno Honorius Papa, mense Junio Roma excedens, Reate se contulit, ubi postquam usque ad mensem Octobrem permanisset, Viterbium petiit, ac inde iterum Romanam. Verum, Romanorum insultus non ferens, Viterbium rediit.

Sæcul. XIII.
A.C. 1219.

Ric. S. Ger.

§. XXIV.

Ecclesia Latina Orientalis.

Haud diu post, videlicet vigesima nona Octobris, literis ad omnes Episcopos aliosque Prælatos Patriarchatus Antiocheni datis, Honorius Papa monuit; quilibet eorum in sua Regione Theologicam scientiam excoli curaret, & omnes ab Hæreticis caverent. In alia Epistola dicit, sibi compertum habere, quod Presbyteri in plerisque provinciis Evcharistiam nec satis caute nec nitide custodirent, nec Sacrosanctum corpus, ea, qua par esset, veneratione attrectarent. Quare Pontifex sancit, ut Evcharistia fideliter in loco destinato, decoro, & semper clauso, asservetur.

ep. 611.
ep. 612.
Rain. n. 21.

C. Sanc. 10.
de celebr.
Miss.

L 1 2 Qui-

Sæcul. XIII. Quilibet Parochus doceat, & frequenter
A.C. 1219. Fideles sibi commissos moneat, reveren-

Sup. lib.
LXXIV.
§. 59.

ter inclinandum esse corpus, quando Hostia in Missa elevatur, vel quando ad agrotos defertur. Sacerdos autem, decenter vestitus, Evcharistiam, velo splendido tectam, ante pectus suum portet, ministro cum lumine semper præcedente. Hæc sunt illius Epistolæ Decretalis verba, ex quibus, Lector, notabis, tantum de inclinatione non autem de genuflexione mentionem fieri.

Sup. Lib.
LXXV.
§. 35.

Cæsar. IX.
c. 51.

Legisti superius, morem elevandi Hostiam in Missa statim post consecrationem non ante viginti ferme annos fuisse inventum, atque usum tintinnabuli, quo populus, cum Sanctum Sacramentum in Missa monstratur, vel ad infirmos portatur, ad se prosternendum monetur, Constitutioni Guidonis Parei, Sacræ Sedis anno millesimo ducentesimo primo Colonæ Legati, originem suam debere. Unde consuetudines istæ Christianis in Oriente, etiam Latini ritus, poterant esse ignotæ.

§. XXV.

Martyres Marochii.

Simul ac S. Franciscus ad professionem suam ad Saracenos Orientis cuncta necessaria parabat, etiam ad Saracenos Occidentis, nempe Marochium, ex Discipulis